

Paris, 3. XI. 10.

Illustre Domino,

Me accipe vestro charta de 22. X et de
24. X et vestro epistula de 1. XI.

Cum isto meo epistula me mitte ad vos
nota super conditionalibus pro discussionibus.

Ut primo me habe tempore me fac
articulo super antiquo sono de C et super conju-
gatione, que vos p[ro] eca.

Conclusiones que vos proponere et que con-
cerne usu de articulo es simile ad meo sed non
coincide nam non indica que articulo es uso solo
in singulare (et que plurale es supresso) et non dic
que non es uso si in HDEFHIP indica toto classe.
Ultimo re non es multo importante, et si ad pun-
ctu de usu logico es preferibile distingue duo
casu: leone es forte et leone (= isto leone) es mortuo,
A. walls have ears de the walls (= isto muro) have
ears, A. iron is useful de the iron is useful.

Me sci bene que non existe signo ad omni
ullo in logica et me puta que es inutile. Ciam

apud me omni ullo leone (qualunque leone) es
expresso ab simplice leone.

Me vol adijunge exemplo sol folge etc ut ro
preca.

Cum articulo de "articulo et plurale" me mit
te ad vos alio de "finale vocalico". An isto perveni
ad vos? Si ita, an me pote spera que vos vol publi
ca isto in discussiones?

Me puta que mea propositione de finale
vocalico conserva principio de absentia de elemento
arbitrario et aspectu naturale, que re es merito prin
cipale de L. s. Fl. et evita objectione frequente
que me audi et lege facta ad L. s. Fl. (Kosenberger,
Meysmans, Couturat et plura alio), i. e. que finale
vocalico in L. s. Fl. pote es confusus ab memoria
(omni aut omne? ille aut illu? in fine aut in fini?
usu aut uso?) et non habe utilitate syntactico.

Si Academia adopta tale propositione, /dis
non pote dic que structura de vatro lingua es minus
logico et regulare que illo de Ido, et tamen nos hab
naturalitate que illo non posside.

Me fac articulo simile de derivatione que
sequit ex illo de finibus vocalibus et que tendit ad
conservandam derivatam naturalem et simul introducenda
logica, flexibilitatem et facilitatem que resultat ex de-
rivatione regulari. Si vos permittit, me mitte illo ad
vos.

An vos non crede quod est bonum precari quod dom.
Zespersen fac se socius? Et dom. Seidel qui publicat
"Reform-Esperanto"?

Me age gratias de dicto amabili et de fi-
ducia que vos habet in me et que me aestimat
alio. Me vol da opera ad fac cognoscere societatem
ut me pote.

Me spera habet responsu et precari accipe
expressione de mea respectu profundo

G. Kolowrat

P. S. Nunc me recipite vestros interessante opusculum
Maximo gratias. Me jam lege illo in bibliotheca.